



**Politička organizacija građana "Naša stranka"**

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Broj: \_\_\_\_\_/19  
Sarajevo, 14.05.2019.

Skupština Kantona Sarajevo  
Zastupnica Neira Dizdarević  
Naša stranka

BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
SKUPŠTINA KANTONA SARAJEVO  
VLADA KANTONA SARAJEVO  
MINISTARSTVO ZA OBRAZOVANJE, NAUKU I MLADE KS  
n/r predsjedavajući Elmedin Konaković

## **PREDMET: ZASTUPNIČKA INICIJATIVA**

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16), upućujem zastupničku inicijativu Ministarstvu za obrazovanje, nauku i mlade KS za izradu Zakona o izmjenama i dopunama Zakona o studentskom organizovanju na području Kantona Sarajevo („Službene novine Kantona Sarajevo“ broj 11. od 07.05.2010.).

### **O B R A Z L O Ž E N J E**

S obzirom da su studentska udruženja u Kantonu Sarajevo, prvenstveno krovno udruženje studenata Univerziteta u Sarajevu (SPUS), često bili u fokusu medija i to iz pogrešnih razloga, došlo je do društvene reakcije i kontroverze, koja predstavlja obiman društveni problem i problem u aktivizmu mladih. Smatram da se rješavanju ovog problema treba pristupiti sistemski i težiti ka dugoročnom rješenju, te da takav pristup jedino može obezbjediti kvalitetan zakonski okvir. Problemi vezani za SPUS su višegodišnji i oslikavaju jedan obrazac nefunkcionisanja ove organizacije, kao i nedostatak demokratskih procesa i demokratskog kapitala u dosadašnjim

rukovodiocima ovih organizacija. Upravo zbog toga izmjene i dopune ovog zakona trebaju da idu u smjeru demokratizacije procesa u izboru rukovodioca SPUS-a te utvrđivanja metodologija izbora na principu „jedan student – jedan glas“.

U postojećem Zakonu o studentskom organizovanju na području Kantona Sarajevo postoji korektan pravni okvir na koji se može izvršiti nadogradnja u prethodno navedenim smjernicama, a također smatram da izmjene i dopune zakona trebaju da prođu kroz široku javnu raspravu sa studentskim udruženjima, fakultetima, studentima i građanima.

Zbog toga pozivam resorno ministarstvo da što prije pokrene proces izrade Zakona o izmjenama i dopunama Zakona o studentskom organizovanju na području Kantona Sarajevo.

S poštovanjem,

---

**Neira Dizdarević**

**Zastupnica Naše stranke u Skupštini Kantona Sarajevo**